

OMISSA.

P. 305. GELATINA AD DIALEIPYRAS.

℞. Glutinis animalis indurati vulgo venalis
libram unam.

Aquæ libras sex.

Coque ut fiat solutio, cui adjice

Albuminis ovi quantum satis.

Dein massæ probe despumatæ et clari-
ficatæ adde

Sacchari albi libram unam.

Coque leni igne ad libras tres. Gela-
tinam sic paratam effunde ut concreseat.

Usus : Dialeipyre variæ. Hoc remedium
simplex et mite ad dialeipyras varias ra-
dicaliter curandas efficacissimum nuper-
rime invenit ARMAND SEGUIN.

Dosis *infantibus* : Drachmæ duæ-quatuor.

Medicæ ætatis et delicatulis : Drachmæ qua-
tuor-duodecim. *Adultis* : Drachmæ duode-
cim-quadraginta. Prima dosis exhibenda
est mox incipiente paroxysmo, præmissis,
si opus, præmittendis; et tempore apyrexie
ter die, continuando per aliquot dies post-
quam febris cessavit. Plerumque intra
paucos dies febris radicaliter tollitur.

P. 425. TINCTURA CASCARILLÆ.

℞. Corticis Croton-Cascarillæ pulv. unciam
unam.

Alcoholis diluti uncias octo.

Digere leni calore per octiduum, sæpius
agitato vase; dein cola.

Quandoque additur

Carbonatis potassæ drachma una.

NB. Si, loco alcoholis, adhibetur aqua
fervida, habetur TINCTURA CASCARILLÆ
AQUOSA dicta.

U^SU^S : Diarrhœa infantum; dysenteria
chronica; catarrhus chronicus; phthisis
pituitosa; dolores pectoris chronici; dys-
pepsia; irritabilitas morbosa primarum
viarum; dialeipyrae.

DOSIS : Drachma una—quatuor, ter quaterve
de die.